



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Canonicis Et Clericis Tornacen. Ecclesiae.

urn:nbn:de:hbz:466:1-20006

86 Epistolarum Innocentij III.

tate præsentium concedimus facultatem. Decernimus ergo &c. Datum &c. ut suprà, viii. Idus Maij.

CANONICIS ET CLERICIS Tornacen. Ecclesie.

Epist. 157.

CVm à nobis petitur &c. usque ad verbum postulationibus inclinati, ne coram alio judice trahamini, nisi per appellationem, in causam, quamdiu sub examine venerabilis fratris nostri Episcopi Tornacen, vel dilectorum filiorum Decani & Capituli vestri stare juri volueritis, præterquam de nostro vel Legati nostri mandato, auctoritate vobis præsentium indulgemus. Liceat quoque vobis, cùm generale interdictum terræ fuerit, exclusis interdictis & excommunicatis, clausis januis, non pulsatis campanis, & suppressa voce, divina officia celebrare. Nulli ergo &c. Datum &c. ut suprà, i. v. Idus Maij.

CANONICIS ECCLESIAE beatae Marie Tornacen.

Epist. 158.
Quod fructus
majoris altaris
possint divide-
re.

CVm à nobis petitur &c. usque ad verbum illud assensu, ut redditus, qui per temporum vices à diversis personis ad usum vicariorum majoris altaris Ecclesiæ vestræ proveniunt, colligantur in unum, & per ministros vestros inter vicarios æqualiter dividantur, qui communis assensu Capituli, secundum antiquam & rationabilem Ecclesiæ vestræ consuetudinem institui valeant, & similiiter amoveri, liberam vobis auctoritate præsentium concedimus facultatem. Decernimus ergo &c. Datum Romæ apud sanctum Petrum.

CANONICIS ECCLESIAE beatae Marie Tornacen.

Epist. 159.
Confirmatio
constitutionis
capitulam, super
fructibus bene-
ficij Iwonis.

CVm à nobis petitur &c. usque ad verbum illud vestris postulationibus gratam convenientiam impendentes, institutionemque quam super fructibus beneficij, quod fuit olim Hyvonis de vinea, cuius etiam donatio ad vos nullo medio pertinebat, de voluntate & consilio venerabilis fratris nostri Stephani Episcopi vestri in Ecclesia vestra fecisti, videlicet ut fructus illi ad agenda communia negocia Capituli perpetuo debeat applicari, sicut ipsa institutio rationabiliter facta est, & hactenus observata, & in authentico exinde confecto pleniùs continetur, auctoritate aposto-

lica confirmamus &c. Nulli ergo &c. Datum &c. ut suprà, ii. Kalend. Maij, Pontificatus nostri anno primo.

ELECTO CAMERACENSI, sancti Auberti & sancti Gilleni Abbatibus.

Epist. 160.
Ut in justam in-
terdicti senten-
tiam revocent.

CVm in ecclesia Dei omnia fieri debant ordinatè, non est à Prælatis Ecclesiarum ex impetu vel pro quaestu ad sententiam procedendum: sed ad hoc eò majori debent maturitate procedere, quò turpius & absonum magis existit de prolata temerè sententia quam de ferenda minus rationabiliter reprehendi: quorum alteri, primo videlicet, pœna ex præsumptione deberit, secundo vero venia pro ignorantia vel diligentia minori donatur. Sancte significantibus dilectis filiis Abbatे & Conventu S. Vedasti Atrebaten. didicimus quòd si quando inter eos & venerabiles fratres nostros Episcopos, & dilectos filios Archidiacenos, in quorum parochiis aliqua eorum Obedientia vel capella consistit, super aliquo controversia vertitur, vel alicui ipsorum non satisfaciunt juxta desiderium postulantis, ipsi Ecclesias eorum in suis parochiis constitutas interdicto subjiciunt, & interdictum ipsum, nisi placati muneribus, non relaxant. Volentes autem Ecclesiæ sancti Vedasti paterna solicitudine providere, eisdem Episcopis & Archidiaconis per scripta nostra præcipiendo mandavimus, ne ejus Ecclesias sine manifesta & rationabili causa interdicto supponant, nec occasione secularium negotiorum aut questionum emergentium, seu causa lucri captandi, Capellanos in ejus Ecclesias commorantes impediant quominus in Ecclesiis suis divinae valeant officia celebrare. Quocirca discretioni vestrae per apostolica scripta præcipiendo mandamus, quatenus, si præfati Episcopi vel Archidiaconi forsan in Ecclesiis eorundem Abbatis & Conventus sententiam interdicti minus rationabiliter duxerint promulgandam, vos de sententia ipsa, appellatione postposita, cognoscatis, & eam post cognitionem, si talem ipsam inveneritis, auctoritate freti apostolica relaxetis. Nullis literis &c. harum tenore taciro. Datum Romæ apud sanctum Petrum ii. Kalend. Maij, Pontificatus nostri anno primo.